

rum Conuentuum & Domorū, in quibus, adminus sex Religiosi condecenter sustentari non possent, subijciendo Ordinariorum superioritati, & iurisdictioni illos conuentus, ac Monasteria, vel Domoſ, in quibus non adessent saltim 12. Religiosi ad præscriptum Constitutionis Vrbanæ VIII. C; Applicando huiusmodi Conuentuum vel Monasteriorum suppressorum redditus & bona Ecclesijs parochialibus, vel seminario, alijsque pijs vsibus, vel operibus, Ordinariorum arbitrio, vel ad eorum relationem, per ipsam Congregationem.

Quamuis autem, edita dicta Constitutione, videretur quod finis, ob quem ista Congregatio erecta fuit, adimpletus esset, & eoq; eã resoluī, vel cessare deberet, aliquorum opinio esset; Attamen continuauit, & continuat (quamuis tamen rarò habeatur), ob contingentias circa idem; Vel scilicet, quod supplicantibus, præsertim populis & communitatibus, atque aliquam suppletionem offerentibus, scđ ex alio iusto motiuo, ex pontificio oraculo, aliqui Conuentus suppressi reintegrari solent, in illis præsertim exiguis oppidis, vel castris, in quibus ille conuentus regularium esset vnicus, cum expediat, quod vltra parochum, & clericos sæculares, aliqui adsint regulares, qui ministrent quoque diuina, & sacramenta, illud præsertim poenitentia, ex rationibus quæ aliàs occasione nouæ foundationis conuentus in Regularium sede insinuantur D; Siuè è conuerso, quod expediat aliquem Conuentum, tunc non suppressum suppressum, ob inconuenientia, quæ praxis doceat, ab eius existentia resultare, cum similibus contingentijs; quæ examinare expedit; Puta instantibus locorum Ordinarijs, vel alijs ad quos pertinet, circa variationem applicationis bonorum, ac reddituum huiusmodi Conuentuum suppressorum, quia nempè tempus doceat magis expedire, vt vni potius, quàm alteri operi applicatio congruat.

Speciem Tribunalis contentiosi circa illa prima tempora suppressionis, ista Congregatio habuit (pro stylo tamen extraiudiciali & summario pluries insi-

nuato aliarum Congregationum), quod scilicet Communitates vel locorum Domini, qui pro Conuentuum vel Domorum regularium fundatione, bona elargiti fuerunt, prætensionem excitarunt, vt tanquã ex cessante causa, cõcessio euanesce- re debuisset, ac propterea bona donata ad eos reuerti; Verùm exauditi non fuerunt præterquam in casibus, in quibus expressum pactum resolutiuum assisteret. E

E. tit. de donation. disc. 12. & seqq.



De Congregatione propagandæ Fidei, pluribusque alijs ecclesiasticis, vel spiritualibus, Cõgregationibus, putã; Cerimonialis; Indulgentiarum; Reliquiarum, & similibus; Et de Congregatione Consistoriali, remissiuè.

S V M M A R I V M.

- 1 **Q**uomodo antiquitus hæc materia propagandæ vel conseruandæ fidei ageretur.
- 2 De eodem.
- 3 De introductione, & propagatione fidei in nouo Orbe.
- 4 De erectione huius Congregationis propagandæ fidei.
- 5 De erectione collegij eiusdem propagandæ fidei, eiusque instituto.
- 6 In quo consistat munus huius Congregationis.
- 7 An & quas controuersias contentiosas P. 2. Relat. tractet,

C. de his agitur sub tit. de regular. disc. 32.

D. dicto tit. de Regular. disc. 31.

- trañet, & decidat inter missionarios, & alios.
- 8 De alijs causis prophanis, quas cognoscit.
- 9 In qua die, & quando teneatur.
- 10 Quando aliquando fiat coram Papa, & quare.
- 11 Retinet typum pro impressione librorum in omnibus linguis.
- 12 De alijs Congregationibus, puta indulgentiarum, & reliquiarum, & similibus.
- 13 De Congregationibus, quæ cessare solent, cessante causa.
- 14 De Congregatione Hierosolymitanae Religionis.
- 15 De Congregatione Consistoriali remissive.

DISC. XXIII.

- Q**UOMODUM ab initio nascentis Ecclesie, summus Pontifex Romanus, eiusque Curia, semper studuit, ac inuigilauit, super Catholicæ fidei conseruatione, illam præseruando, seu respectiue restituendo, aduersus hæreticam, vel schismaticam labem, vel paganicam superstitionem; Non tamen, quindecim sæculorum spatio, usque ad pontificatum Pauli III., formale Tribunal collegiatum, seu Cardinalitia Congregatio desuper erecta fuit; Sed ipse Pontifex, cum opera & adiutorio Episcoporum, aliorumque localium Inquisitorum, ac zelantium, & piorum operariorum, eas partes expleuit, iuxta seriem in vniuersalis Inquisitionis, vel Sancti Officii Congregationis relatione recensitam. A
- Ita pariter, ab ipso initio, sub magis diris, & crudelibus persecutionibus, tyrannorum, & infidelium, idem Pontifex, eiusque Curia, dictæ fidei propagationi semper studuit, mediante pariter opera Episcoporum, & prædicatorum, aliorumque operantium in vinea Domini; Cumque præsertim in XIV. sæculo, nouæ, seu nostræ memoriæ ignotæ, per nauigationem maris Oceani detectæ essent partes vel regiones, quæ sub vocabulo Indiarum, vel noui Orbis, siue sub quartæ partis orbis Americæ, nomine nuncupantur; Idem Pontifex sollicitus fuit eò tramit-

tere plures missionarios, ex diuersis Religionibus, vnde propterea, ad instar ipsius primitiuae Ecclesie post Christi Ascensionem, in hac noua Mundi parte, cum tot martyrum sanguine, Ecclesia plantata, & irrigata est, iam incipiens producere Paradysi Rosas, aliosque flores, quamuis Ecclesie iudicio adhuc non detectos, sicuti prima Rosa iam detecta est.

Nostra verò ætate, sub Grægorio XV. cuiusdam pij, ac religiosi viri generosa dispositione, occasionem ad id præbente; Ad instar dictæ alterius Congregationis, quæ super iam exortæ fidei conseruatione, & expurgatione, antecedenti sæculo erecta fuerat, ista Congregatio, ex Cardinalium compenti numero vario, aliorumque Prelatorum, ac inferioris ordinis officialium mixtura, erecta fuit; Ex Secretario scilicet Prælato; Ex Assessore Sancti Officii Ex vno Prothonotario Apostolico; Et aliquibus alijs Prælatis, eiq; Propagandæ Fidei nomen attributum; Deindeque sub Urbano VIII. (Dei gratia) hoc pio, & commendabili opere nimium crescente, ad instar Collegiorum, quæ pro Græcis, ac Germanis, & Anglis, alijsque nationibus, quæ hæretica, vel schmatica labe infectæ sint, & quæ sub Grægorio XIII. alijsque Pontificibus erecta fuerunt, cum magno, & conspicuo ædificio, ad formam Insulæ, ad radices Pincij montis, erectum fuit Collegium, cui pariter idem genericum nomen, propagandæ fidei attributum est, ut ibi educari, sacrisque literis, ac sanæ doctrina catholica, imbui valeant adolescenter illarum partium, qui ad catholicam fidem conuersi fuerint, ad hoc, ut in eisdem partibus idonei operarij & propagatores esse valeant; Ac etiam, ut missionarij, qui ab eisdem partibus regredientes, Romanam Curiam adueant, ut summum Pontificem, ipsamque Congregationem melius informare valeant, oportunaque suggerere media eiusdem propagationis, in præfato collegio habitationem, ac victum, pro Congregationis arbitrio recipiant.

Istius itaque Congregationis munus est, propagationis fidei operarios, quibus Missionariorum nomen tribuitur, dirigere, ac transmittere, & distribuere per

re.

regiones, ut ex personarum vel Religionum qualitate opportunum reputetur, eisdemque necessariis sumptus, ex ipsius operis peculio, à piorum oblationibus conflato, alijsque pijs elemosynis, & subventionibus, suppeditare; Consulendo etiam Summo Pontifici seu proponendo, ut ex dictis Missionarijs huic operi additis, aliquos præficiat, Episcopos, vel Archiepiscopos, ac respectiue prouinciarum, vel regionum Vicarios Apostolicos; Vnde propterea vtramque æconomiam spiritualem & temporalem potius quam forenses, seu iurisdictionales partes, ista Congregatio administrare videtur.

Adhuc tamen, ad instar præsertim Congregationis Regularium, ab aliquo tempore, aliqua forensia, vel contentiosa negotia peragere, ac decidere, cum eodem Congregationum summano, & extraiudiciali stylo, consuevit; Vel scilicet quia, pro consueta humana conditione, seu fragilitate, etiam inter ipsosmet Missionarios, & Operarios diuersarum Religionum, vel institutorum, æmulationes, & quæstiones oriri soleant, quod ex epistolis Pauli, & ex actibus Apostolorum, alijsque sacris literis, edocemur in ipsa quoque primitiua, & nascenti Ecclesia contigisse; Siue quod eadem contentiones, vel æmulationes oriantur inter Missionarios, & parochos, aliosque clericos nationales, qui pro fidei iam propagatæ cultura, & animarum cura, aliorumque diuinorum ministracione, deputati sint; Aut cum earumdem Religionum superioribus, circa iurisdictionem ac directionem illorum cuiuslibet Religionis respectiue alumnorum, qui huic operi, destinati, siue addicti sint, ideoque Congregationis potius subditi censendi veniunt.

Ac etiam (ad instar præfate Congregationis Sancti Officii) forenses prophanas cognitionem habet, ciuiliam, criminalium, & mixtarum causarum, eiusdem Congregationis, vel collegij ministrorum & operariorum, seu quæ respiciant bona temporalia eiusdem operis, vel collegij, ex quorum fructibus, missionum sumptus, ut supra erogantur.

Determinatam autem diem non habet ista Congregatio, ut habent aliæ superius recensitæ, quæ pro currentium negotiorum discussione, ac determinatio-

ne erectæ sunt, sed pro negotiorum urgentia, & qualitate, in die præsertim lunæ, quando Consistorium non impediatur, vel in altera sequenti Martis, singulis mensibus, & quandoque breuius, ea haberi solet, in eisdem collegij supra recensitis ædibus; Atque; Vel Secretario, qui est Prælatus, & in eisdem ædibus cum alijs inferioribus officialibus & ministris, tanquam fixus & continuus director habitationem habet; Vel ipsis Cardinalibus, iuxta distributionem inter eos fieri solitam, referentibus negotia, tam contentiosa ut supra, super quibus pluries ego de iure respondendi occasionem habui, quam etiam æconomica & prudentialia, pro operis profectu, ac bona administratione, oriuntur resolutiones, atque dantur oportuni ordines, & instructiones; In aliquibus verò anni temporibus, ista Congregatio, coram ipso met Papa haberi solet, tam ut ipse certioratus remaneat de rerum statu, quam, ut iuxta oportunitatem, cum eius oraculo, illas communicet facultates, atque impartiat gratias, ad quas, ipsius Congregationis potestas, non extendatur; Quod etiam extrâ huiusmodi Congregationes, ad relationem Secretarij, vel alicuius ex Cardinalibus eiusdem Congregationis, pro negotiorum urgentia & qualitate, sequi solet.

Istud itaq; est institutum huius Congregationis, quæ in eadem domo collegij typum diligenter suo sumptu tenet pro impressione librorum & scripturarum quæ idem institutum propagationis, vel conseruationis fidei concernant pro omnibus linguis pro omnium nationum vsu, & commoditate.

Quamplures aliæ habentur in Curia Cardinalitæ Congregationes, cum Prælatorum, aliorumque operariorum mixtura, ad præmissarum instar, puta; Super Indulgentijs, & Reliquijs, quæ moderno tempore erectæ sunt; Aut super ceremoniali; Vel super Hispaniarum laminis; Alijsque similibus negotijs, Ecclesiam catholicam in vniuersum, siue pontificium regimen, concernentibus, super quibus facile non est certam statuere regulam siue relationem dare, cum in dies pro negotiorum qualitate, ac rerum contingentia, nouæ Congregationes erigi, siue iam erectæ, expletis negotijs, earumque causa cessata, supprimi, vel terminari

soleant, potissimè quia istæ videntur extrâ propositum relationis Curie forensis.

Quando enim vrgebant in Germania, quædam graues scissuræ, super eis erecta fuit particularis Congregationis, quæ dicebatur Colonia, et altera quæ dicebatur Palatinatus, quæ postmodum fortè cessarunt, ob cessationem eius causæ, cum similibus.

Præsertim verò adest, quoad negotia particularia Congregatio competentis numeri Cardinalium pro negotijs Hierosolymitanæ Religionis, in vniuersum, quod scilicet concernant regimen, & conseruationem ipsius Religionis, non autem super causis priuatis in concursu Commendarum, & Dignitatum, vel super admissione ad habitum, cum de his agatur in Rota, & in Signatura Gratie. B.

Adest quoque Congregatio Consistorialis, cui particularis Sedes, vel Rubrica non tribuitur, dum occasione agendi de ipso Consistorio, de ista quoque ibi actum est. C.

B. habetur infra disc. 30.

C. supra disc. 5.



De Congregatione Visitationis Apostolicæ.

S V M M A R I V M.

- 1 **C**irca quæ versentur partes Congregationis.
- 2 De obligatione Episcopi visitandi diocesim.
- 3 De erectione huius Congregationis, & ex

quibus constituatur.

4 V. Gerens est iudex & exequutor decretorum huius Congregationis.

5 Quomodo per istam Congregationem fiat visitatio Ecclesiarum Urbis, & districtus.

DISC. XXIV.

Quamuis ista Congregatio ad instar præcedentium, ecclesiasticum, seu spirituale regimen quoque concernat; Non tamen, circa munus pontificium, pro Ecclesia vniuersali versatur, sed explet illas partes, quæ Papæ, tanquam Episcopo particulari Urbis, eiusque districtus, incumbant, eodem modo, quo de Cardinali Vicario superius dictum est. A

- 1 Cum etenim, ad sacrorum Canonum, strictius verò Sacri Concilij Tridentini præscriptum, Episcopi debeant singulis annis, vel aliquibus statutis temporibus, sibi commissam diocesim personaliter vbi commodè fieri potest visitare, sin minus per Vicarium, vel alios idoneos viros ad id deputatos B; Papæ verò, iam enarratæ magnæ occupationes non permittant in hoc eius particulari Episcopatu, istas adimplere partes, quæ sub ordinarijs facultatibus Vicarij non videntur comprehensæ; Hinc, præsertim nostra ætate, sub Urbano VIII., pro hoc munere explicando, aliquorum prædecessorum vestigijs quoque inhærendo, erecta fuit Congregatio, ex aliquorum Cardinaliũ, aliorumque Prælatorum & operariorum competenti numero constituta, cui propterea Visitationis nomen datum fuit, cum circa id, eius munus versetur, visitandi scilicet Urbem, omnesque eius Ecclesias, & Monasteria, piaque loca, eo modo quo Episcopi, in singulis respectiue diocesibus agunt; Fixum locum in eadẽ Cõgregatione habentibus, Vicario, eiusque Vicesgerente, qui est ordinarius iudex, vel exequutor decretorum, aliarumque determinationum eiusdem Congregationis, quæ more aliarum, de quibus supra, pariter in forma extrajudiciali, & sum.

A. supra disc. 13.

B. in annot. ad S.C.T. disc. 5. lib. 14.